

龍陽觀後有老松一株馮君讀其孤秀長久不更變耳

龍陽可羨古松青柯葉經冬不變更孤秀亭亭堪作伴豈同花草片時榮

灤陽東至縉山可二百里所產之物他處未可及也

懷來玉液德興花未讓中原景物嘉更有閑人真受用一川麻麥是生涯

重午日與德興府道眾遊白貼山靈境寺

爲求出世遠塵寰一上西峯六十盤得到洞天清絕處使人特地覺心安

又

道藏輯要

葆光集

七

胃集十
八三一

白髮蒼顏學道流觀山玩水且優游少年門下多勤苦老後身心得自由

無所取實自然可用心耳

對月臨風最愛吟拈來放去不勞心自知出語皆空相惟遇通人是賞音

仲夏過武川道友以詩留過夏答云龍陽七月間立殿有瓜已熟因作是詩耳

因緣到處是生涯功滿三千結實花來日龍陽曾有約上梁已許啗新瓜

五夫人宅見怪柏禪牀作

古柏禪牀稱道家相逢真箇好生涯終朝共坐忘言論各守清
貞度歲華

堅辭道友欲赴龍陽

武川佳夏勝龍陽六月軒窗風自涼只恐無功辭去早不能待
得好瓜嘗

退居巖穴忽一日潘士送師號賜清和大師人迴有詩上

謝

降心學道出塵魔決要修真上大羅三十年來功未就虛名賜
我號清和

又

道藏輯要

保光集

三

首集十

昔日玉清曾挂紫今朝巖下肯披羅幻身任使經千變且保安
閑一氣和

又

克己修真較少魔從來本分可張羅如今潦倒加師號有愧神

仙張志和

又

糲飯充腸戰退魔敝衣遮體勝執羅浮名浮利忙中亂實行實
功靜處多

山中雨過賞月

雨霽西山瑩靜天分明寶鑑碧空懸道人賞翫中宵坐爲愛靈